

清豐縣志

卷七 卷首至

12754  
150.133  
4  
202-122



明嘉靖三十七年聞喜李公汝寬創修有序

天啟四年宜春潘公士聞續修有序

清順治二年萊蕪李公穠生續修有序

康熙十五年平湖楊公燦續修有序

雍正八年太和段公世奔續修有序

同治十年祥符高公俊續修有序

中華民國三年合肥劉公朝陸續修有序

續修縣志序

國於天地必有與立政也教也皆所以扶植倫紀而國賴以立者也自有書契以來聖經賢傳諸子百家門分派衍汗牛充棟而揆其導源要無非明刑弼教之支派出其好惡是非之良以垂爲法戒所以正人心即所以維國家也國之有史尙矣褒貶之分榮辱斯判其所以濟刑罰之窮而教化即緣以不墜豈徒資博聞多識已哉其與國史相資而足備國史之採擇並能考見風會之遷流民生之利病者則縣志是也清豐縣志續修於前清同治之初距今五十餘年矣國體既更新學爭鳴觀風問俗每切隱憂思所挽回而整齊之者賞罰而外厥惟修志以資觀感癸丑冬余承乏斯邑簿書鞅掌日不暇給越明年甲寅七月勉捐廉俸爰囑募友陸君百泉石君子擎董率邑紳胡君桐岡劉君誠之張君羽亭等集城鄉紳耆於孝義貞烈徧加採訪著之簡端以爲表揚

清豐縣志

卷之首 列序

事類增新而規模仍舊是役也張君羽亭宣力獨多今幸觀厥成余頗頌慰後之觀者於其中嘉言懿行足以匡德行而飭倫理者景慕而追踪焉斯亦政教之一助於國家之存立或不無少裨益焉耳乃援筆而爲之序中華民國三年甲寅十有二月中旬清豐縣知事安徽合肥劉朝陸撰

清豐縣續志序

視遠者莫備其形聽遠者莫罄其聲古史紀遠半慨闕如然非及時蒐羅猶未必存什於千百也清豐縣志自康熙十五年平湖楊君一修爰迄於今其已書者棗梨灑脫落矣其未書者星霜澆銷鑠矣己已余承乏來茲周覽邑里攷其民風大抵氣勁而情樸樸則可與之心本圖勁則可與之力德義農式訓爾學式勸爾蓋是邦之古澤長也夫宰之職職字人竊有志乎宏風教矣不惟我父老子弟願與忱恂于桑梓典型見知聞知某某書德行某某書道藝善斯傳傳斯慕慕斯宗矣然則縣志之修毋亦新民志而示以嚮方之助與顧懷之久而難其賞會邑人氏馬學孟龍永清高經晁廷舉洪鵬海王殿忠程惠遠杜養源魯秉中史周書等公呈以請馬學孟王殿忠同任經費詳請各憲旋蒙批准量賞籌辦第簡冊繁官事分諸吏民事彙諸學而採訪畢具越惟纂述庸漫與哉遠者之不虞略虞鑿也猶近者之不虞詳虞繼也古之傳者隨物賦形工矣事外遠致不又進與年友正陽吳章民中翰治古文辭聘焉以仲冬至涉兩月書成一百九十餘年孝子弟氣節文章其精神面目一朝勃勃出卷軸中虔而辛孝廉孫貳尹葛茂才洎同城諸君子與斯役者人人容無作風化攸繫敢弗慎諸至若卷帙編目新與舊次第相踵而不相掄統授割闕區



以清豐縣續志言乎非修之姑續之已爾夫方輿圖籍將備 國史之採前志不甚下借書法寓焉後有作者渾新舊兩書都成一編或縮之爲康對山之武功或擴之爲劉恭叔之文獻則持此相質儻亦爲之綿最也夫

同治十年嘉平月

同知銜知清豐縣事戊午科舉人祥符高俊撰

續修清豐縣志序 此志但有抄本

清邑屬在畿輔沐文教最切舊有成志增修再三凡天地古今之概風土人物之詳蒐記率皆明確但華質煩簡係乎其人與其時遞傳而後有缺必補有蕪必刪有疑必闕有美必增此盛世之鴻規實有司之鉅責也

世祖章皇帝統一海宇肇啓文明歷

聖祖仁皇帝厚澤深仁涵濡滄浹佩聲教而式訓行者無遠弗屆欽維

皇上嗣登大寶善繼善述本性安而宏制作體溫肅以昭勸懲博求文獻特開館閣纂修 國史及一統輿志時採各省志乘彙集成帙進資 睿照中邦異域悉奉車書書曰 一人有慶兆民賴之其是之謂矣 世奕 邊末樛材承乏茲土己酉八月蒞任視事簿書之餘竊念古頓丘顛頊之故墟在焉雖時序屢遷建置代易而土壤賦役祀典官師歷歷可考文章事業忠孝節義炳炳難磨況今日盛治邁帝超王人歌豐稔戶遍恬熙嘉祥之應于天靈異之萃于人不可勝紀遘志緒閱慨然于向之創始增修者縷析條分已得潤色太平之一藉今年夏 各憲檄飭修志 世奕 自

### 清豐縣志

卷之首 列序

二

慚庸碌毫無創解足爲邑乘光兼值霖雨連綿大水四溢

聖天子厯念民瘼加意賑恤 世奕 負罪檢踏夙夜焦勞夫何有于操觚第修志重典分應急舉苟怠厥事益滋咎尤爰進邑之縉紳人士諮謀諮諏得舉貢生員十一人採訪新蹟參合舊章其無可筆削者如原本間有冗雜者務裁汰若因時制宜隨事遞更者備增補賢良蔚起行詣卓絕者悉續載總之寧慎勿濫寧實勿華煩不厭詳簡不傷畧未敢謂擅三長以垂法守而集思廣益準今酌古期無負 聖朝博求文獻之至意並 各憲黼黻皇猷之懋績云爾是爲序

皆

雍正八年歲次庚戌十一月知清豐縣事段世奕謹識

舊序

今 天子十二年之六月 燮 除授知清豐九月九日蒞任授事月餘交盤甫竣例應恭謁 憲台走天雄復走上谷 憲台面命諄切敢不以古人清慎勤三字敬誌書紳但正擬淬勵而臘盡春始之際忽逢羽檄愼固城守慰勞黎庶隨因喂騎郡郊催督芻秣而且預儲正供以資軍實蓋幾無暇晷矣然志書之役蒙 聖天子加意文獻纂集成書倘方輿有志而天雄不備天雄各州邑有志而頓丘不備非所以昭一統煥同文也爰與教諭劉瓚遴選本學廩增附生員得八人屆集公所據報採修務仰體 憲行寧嚴毋濫寧慎毋徇之至意刪繁就簡覈實去浮加意補輯凡兩閱月而書成來告遂于簿書之暇手自校定兢兢不遑惟念 聖朝文德武功聲教四訖而畿輔之地沐浴尤深且憲台德意宏敷告諭懇至大典倘有疏忽何以傳後越明年而稿凡三易俾山

川形勢戶口丁徭地畝錢糧風俗人物庶幾簡不傷畧今不病古然後捐割劑之資登諸梨棗共襄厥成者爲縣丞熊樹勳徐宏燭典史傅宏綱生員侯宇楨等而採修諸生朱彝孫述祖侯璘杜昂濤王稔劉瑞侯溱程維翰等亦與有討論之功焉至于承乏俸淺窺管才疎實不足爲邑乘光有俟博雅名賢補其闕而增華庶乎其可也是爲序

康熙十五年五月朔

賜同進士出身文林郎知清豐縣事平湖楊燦撰

舊志凡例

順治二年春小子櫛生謫授茲土時方兵火鴻雁未集壘門砌巷罷市伏莽雖士夫有不能一朝之意數登耆舊問以疾苦曰盜橫也至于圍城土滿也至于懸糶民貧也至于鬻妻賣子問何至是曰大盜爰爰脅從是緝被擄愚氓望城垣如陷阱呼聚喝散之雄不敢輒舉姓字舉之立致族滅人無安土辭耕莫穫紡績備作之所得里長至搜作稅糧里書至逼充夫馬大亂甫定賦無正額夫馬時需官問之里其長與書問之戶二者民膏已竭而又盡于拿催押號之胥徒事廢人亡上無可備參考之牘下無能言輿除之口敗絮亂絲來一官卽累一官民去其三一官去累又不止一官民去其五今之所存者行戶耳僑居耳救禍無術其何能國余小子則爲之說曰捕盜魁可乎曰所不敢言脅從可乎曰所不敢望去里長可乎曰去長則里無所統易以百長取其統衆而不責以科歛之事何如曰民願自投也不去里書而去其沿門夫馬之役可乎曰不索夫丁男存矣不索馬畜物留矣扶犁任土是所深願又爲之再三申告曰誅盜魁散脅從禁綽收嚴侵

清豐縣志

卷之首 列序

三

漁清驛遞載在令甲院道府廳時屢憂思叮嚀不已周巡下邑惟有司奉行力耳下民始不見德以爲不可幾倖之典也於是逮捕大盜宥脅從去里長聽民自投不用收役聽民自封又查有種種不情之費一併除免夫還於額設官董之馬還於額設官養之雖使星日過而民不知也曰可以苟活矣三月以內襁負而至者三千家扶門投丁者數百人存者不去去者漸還四野交交耕桑有繹城市穰穰貿易無爭余小子將求邑乘而問物產豐嗇之數良法美意可以資謫陋者忠義節烈可以正風俗者曰舊有志燼於火斷簡殘編豕魚滅沒此何時也而暇及乎則又爲之說曰輿圖可不存乎人事可不知乎兵馬錢糧可不考乎遺俗善政悉付沈銷是不可不亟爲計也遂於四月之十六日鳩工開肆修補闕失版計九十片匠計二百二十四人丁供食則縣丞蔡紹芳督工則典史項玉賓校讎則教諭楊光國訓導梁師孟劉第助成其事則邑紳僉事鄭位知縣杜我愚舉人杜驥馮瑞貢生李鵬李士貞生員栗濟寬郭衛宸等小子櫛生碌碌因人幸無終隳厥事云爾順治二年端陽後三日知清豐縣事萊蕪李櫛生紀事

舊志凡例

夫邑有志猶國有史久則應續蕪則應刪殆則應闕豐約華實存乎其人志之大權輿也清豐從無志自舊宰李公慨然有祖述文獻之思授簡澶淵晁太史嚮古證今訪遐蒐逸巨細雅俗無不畢備而於晁李家世繪述較詳爲帙凡六令得是志者一流覽間知晁李人文不獨甲頓邱而實冠寰宇猗歎盛哉夫公能爲史何難爲志且清邑澶州俱公先世桑梓地著述既精聞見更實夫以何蕪何殆之有但自嘉靖戊午閱歲六十有七葺茨屢更滄桑遞變翰墨代興賢豪輩出藉令

有古無今後之考文獻而思祖述者何所參證耶余不佞承乏是邑邑中諸紳士談及先令及是邑先達有月且已高而上不聞者有俎豆既陳而傳未附者津津口角若有所請余念叨令多賢之邦前事芳規具在假幸與同時且願爲之執鞭敢匿不以聞而使湮沒無傳乎爰謀之盧學博遴得二十郭子見恆邊子無烽援筆屬藁更令博訪之鄉紳父老斷簡殘編無遺不茸又潔車幣走內黃迎司生惟標相與商確振綱分縷較若畫一司生搦管揮毫旋書旋梓閱月志成分以帙視舊志藝文人物牽聯支蔓實爲過之庶幾俾後晁李而接踵者與晁李並傳不朽有志編摩者亦可相續於未艾也矣謬爲序天啓四年知清豐縣事宜陽潘士聞撰

### 舊志序

清豐古頓邱邑顛頊之墟也自漢以來或爲陰安或爲清豐或爲德清軍或隸頓邱郡或隸武陽軍雖分合省併靡恆而其地固不易也唐宋金元則又以隸余澶有明始隸大名自上世以來山川之奠麗疆域之包表制度之沿革風俗之汚隆土壤之高下賦役之繁簡官師之臧否人物之盛衰絕未有紀邑方伯潭西呂予在中秘特即有意爲之而迫於宦游未暇前令萬安張侯印洛陽溫侯印如春亦欲纂次而奪於簿書未能近邑人張君希仲泗水知縣粗述其略然譌缺種種讀之殊有遺恨嘉靖丙辰冬今令尹聞喜戒菴李侯縮符數月索邑志於掌故僅得希仲所爲稿迺太息曰古者生子數月閩史書之夫閩二十五家也尙有史矧清豐爲畿輔名邑德教之滲澆人文之煥炳視他邑尤著獨譌缺乃爾詎惟慕古者繼所考尋而圖治者抑何所因革耶乃毅然思任其事隨請於撫院巡院學院暨兵憲郡守而下咸可之遂開館于澶之太僕行寺幸不鄙

## 清豐縣志

### 卷之首 列序

#### 四

余俾加纂定時余雖免先徵仕憂然猶抱沉疴深懼舊學荒落採擇不備懲勸無法或以辜侯之舉謝未能侯復之曰公于清邑有桑梓誼且先世高賢血食滋土備典籍以圖不朽富不減於家乘矣奚辭爲余聞之戚然以感慙然以悲曰余晁故出昭德而昭德出清豐由文元迄今湮鬱而不彰者十有七世矣自惟菲材待罪史局纂修之任屢叨上命願使祖宗血食之地記載無書豈直闢一邑之輕重耶然則李侯之命余何可辭也於是盡出其家羣書并文元公九世以下圖籍借其邑師生討究之而李侯又諷之士民考之案牘及所搨境內碑記屬余余迺躬自校閱嚴加竄訂自丁巳春入局迄戊午春脫稿余竊病近世纂述家徒泥簡徑而體未罄於包括徒鶩辭藻而義反略於故實蓋千帙而一律也夫志史類亦史案也志備則史詳志真則史信而可徒泥簡徑鶩辭藻耶故是編隨事分類隨類立義苟可以備考察存事實則錄之但取義關境內而門目之繁簡文辭之質綺皆所弗計也中間抑揚損益蓋即未能如古三長之美然視郡志登載自謂頗詳而懲勸亦寓其中庶幾備史家一體且清豐之文獻典章或借是有徵云願獨有所疑而未釋者漢京氏遠矣魏之諸李多起戎行亦無暇備責宋之諸晁父祖孫曾皆以學問名當世如文元有澶州河宗新詞碑補之有澶州登科記說之有朔問以明河朔之重而不可割惟於桑梓之地反不用情以網羅編著發揮宗國之盛抑獨何歟豈官居侍從備顧問摘藻操觚繫情廊廟不周於小歟抑丘聚之志閭里之版丞史之圖固官府事非邦人職歟然則余之不敢辭纂定之責者雖以重李侯之請抑亦補前人之所未備也竊謂賈耽凡考邑必先詢其鄉之人范石湖作吳郡志郡人龔頤正實薦所聞夫生於數百載之下而欲考求紀述於千百載之上非鄉之賢者其

孰憑之而潭西方伯方遠在濟上疑竟罔質余又未能周游歷覽窮探遠搜則外誤乖譌舉一廢百又保其能自免耶雖然以是編而行世傳遠固非敢冀至其蒐放逸考沿革使後之稽古者得以洞悉一邑之始終則亦未必無小補云昔唐寶德元不能對帝丘之間識者至今恥之夫帝丘正清豐地也繼自今覽是編者又豈有如德元之陋者耶然則李侯之銳意於此其有功於茲邑不淺矣李侯丙辰進士世有聞人都察院右僉都御史小泉公其從祖父也爲政興學愛士約已厚民諸有興革靡不爲一方長久慮聲稱藉藉於大畿之南修志固其一班耳維時受分閱之任者邑師生並諸貢士若干人而始終共事者則李生岱劉生從一李生國玉劉生永貞厥勞不可泯也因并書之嘉靖三十七年秋九月翰林院國史檢討澶淵晁琛撰

目次

卷之首

序續

凡例

圖緯續

卷之一

沿革

地理

卷之二

古蹟

編年續

卷之三

田賦附里甲

卷之四

祀典

官師年表續

卷之五

目次

姓氏續

建置續

風土

鹽鈔現行及今無今廢者續志注明

帝妃封廢

武備續

清豐縣志

卷之首目次

六

科貢續

卷之六

宦業續

卷之七

經術

孝義附縣行續

卷之八

忠節附死事續

卷之九

藝文上續

卷之十

藝文下詩續

循良續

武功續

文苑書藝附續志新增耽誦附

貞烈續

外志續

凡例

- 一志書爲一邑之史傳信不傳疑尙質不尙文則無鋪張之濫余芟蕪就簡增畧爲詳寧遵古而目飽毋狗今而耳食
- 一頓邱向無志嘉靖戊午創始於聞喜李公天啟四年宜春潘公重修之順治二年萊蕪李公增補之於是頓邱之志且百餘年矣踵事增華不得不慎重以光鉅典
- 一舊志二十五卷體格次序尙多草昧今改訂爲十卷先地理次人物次藝文以三者爲綱而別其目雖無載筆之能不失載言之體
- 一舊志劄剛之工魯魚亥豕不可勝計前賢非忽於臨文乃略於事竣也今悉讎校無譌以備博雅覽勝
- 一舊志規條悉遵無去留惟於忠節中分別死事孝義中分別懿行各爲附庸不必另立門類防襲取之易知繼起之難也
- 一文苑爲一朝冠冕明興三百年無一人入志可稱恨事續志已經李公之手而寧留闕典毋致濫收誠重之也余仍其舊亦由李公之志云
- 一貞烈婦女最關風化若埋沒苦節近於不仁李公續志以來幽閨窮巷儘多聖賢豪傑余所採輯必加駁驗國人皆賢然後記述重其人不得不慎其事也

平湖楊燦識

清豐縣志

卷之首凡例

七

續志無凡例及各卷弁跋說

續志告成得十八卷凡續者于前志目錄注一續字未注即未續也不另立凡例及各卷弁跋非簡也舊不必更新不能備例用因也除田賦照錄舊章以存典制所有現行款數一一著明及建置廢興外惟藝文一門微進於舊楊用修云凡土著文士之作僅傳一二篇者雖無關於其地亦書程敏政新安文獻例也茲仿之然以之例古而不以之例今懼濫也其詩文多爲邑諸生劉青橘所採輯初欲仿邵文莊許志例人物多設品類大雅片長廣加收羅及綜核呈報則舊志頗足槩之每錄一人必憑採訪數人或數次舊志文苑攀躋誠難然彬彬讀書之士何忍竟遺爰借古汜城志耽誦之名名之附文苑後祇此變通舊格餘一切相仍闕經術者名太重詎太高更不易副青燈蔭緯倍矢矜崇亦節母之子家慈王太宜人訓學訓政俾素風不墜志中婦德母儀每公餘侍側或令撫述之深嘉賞焉昔賢有言資用少則功力薄今之志僅以續見蓋職是云

大梁高俊識

續修縣志姓氏備錄

總裁

縣知事 安徽 合肥 劉陸朝

副總裁

浙江 陸紹源

直隸 清苑 石朝楨

繪圖

警務長 河南 商 城張良梓

總纂

邑 人 胡魁鳳

副纂

邑 人 劉允俊

收掌

邑 人 張兆鶴

繕校

邑 人 李景白

邑 人 馬壽仁

清豐縣志

卷之首姓氏

張清江

參議

馮實堅 馬際泰 杜安清 朱培仁 李梯雲

王文明 曹樹芻 康 泮 趙夢松 朱秋山

和夢錫 王澄清 劉懷珪 張俊傑 蕭世欽

馮象森 洪寶興

採訪

傅鴻標 朱樹芳 楊滋榮 康鴻謨 賈冠羣

以上城關

王 巖 郝卿雲 孟廣謨 邵羣賢 劉敦墀

張 遜 何善修 李伯泉 邵青雲 劉培滋

馬在田 魏來陞 楊雙南 李如桐

以上東路

謝文質 陳敬堂 張振乾 吳榮澤 任金榜

張體修 劉懷之 管應律 宋青雲 趙登翰

翟文聚 劉兆愷

以上南路

楊之彥	錢天秩	劉詣	陳多福	聶雲瑞
李金榜	程冠衆	張言恭		
以上西路				
喬炳炘	王廣居	李超羣	張濡翰	谷喬雲
楊維楨	沈繼先	宋汝澣	李題名	
以上北路				


圖緯

周禮輿地有圖所以按方辨物也清豐屬在畿輔使有書無圖何以覽勝昔成伯瑛曾圖毛詩想頓邱亦在所必繪惜邇遠風微不能向荆榛黍黍中搜索太古遺蹤耳今且綴米爲形以當臥遊城郭闐闐既列布置丘陵河渠各有原委披斯圖者庶可進民風于衽席間矣志圖緯第一

清豐縣志

卷之首 圖緯

分野圖



此为试读, 需要完整PDF请访问: www.ertongbook.com

● 附路



土司空

震

霹

陣



鉄鑽

魁八


清豐縣志

卷之首 圖緯

畿輔通志 唐書天文志室壁分野鄰訾之次自危十三度至奎一度今大名府以及開州境內正當其地爲衛分野

又清豐縣北極出地三十六度九分 冬至晷影一丈七尺四分強 夏至晷影二尺二寸五分強 冬夏至晷夜 長五十七刻十二分弱 短三十八刻二分強 偏京師西一度一分三十秒 節氣早四分六秒

清豐縣治古今方隅道里圖考



山錫對  
 滑縣東北七十  
 里大城村北大  
 城村即古帝丘  
 城牆尚有存者


開州大道

清豐縣府南少東九十里東至山東曹州府觀城縣界四十里西至河南彰德府內黃縣界二十五里至縣治四十五里南至開州界二十里至州治五十里北至南樂縣界三十三里至縣治四十五里東南至山東曹州府濮州界四十五里至州治六十里至開州界四十五里西南至河南內黃縣界四十里至開州界四十里東北至南樂縣界五十里至山東觀城縣界四十五里至縣治五十里西北至大名縣界四十五里至縣治五十里

圖及說皆本畿輔通志

漢書地理志潒音香水出東郡東步陽俗名王莽河故瀆東北逕戚城西今頓丘衛國縣西戚亭是也見畿輔通志

宋史紹聖初河決內黃吳安特請開清豐口雞爪河以洩水勢元史至正三年河決蘇村命汴梁路總管築之



沿革

先王建邦啓土定名別域中間同地殊稱沿革建置總以量形勢樹藩屏也頓丘隸在兗冀著名于詩其來已遠獨幸張清豐隋時一布衣耳以孝行故至美其名顏之爲邑地且藉不朽焉雖屬隸代更圖籍世變而邇厥源流至德之感無窮也志沿革第二

唐虞

隸兗冀之間

三代

沿舊

春秋

屬衛名頓丘在淇水南衛風云至於頓丘

路史云古觀國后啓五庶俱封于衛是爲五觀其名爲頓丘者頓師古云以丘名縣丘一成爲頓謂一頓而成也爾雅易頓爲頓也

戰國

沿舊

秦

屬東郡劉項割分屬商王司馬卬

清豐縣志

卷之一 沿革 建置 地理

漢

置頓丘縣仍沿東郡後移治陰安城即今縣北古陰安城

三國

屬魏

晉

泰始二年置頓丘郡縣隸之

後魏

真君六年省繁陽入頓丘太和十八年屬汲郡尋改屬黎陽郡後齊革又舊陰安縣後齊廢

隋

開皇六年復置郡縣屬武陽郡

唐

武德初屬魏州四年分魏州之頓丘觀城改屬澶州貞觀元年州廢縣還屬魏大歷七年魏博節度使田承嗣表奏復置澶州析頓丘昌樂之四鄉於清豐店置縣屬澶州分十道屬河南道

以縣界有孝子張清豐門闕田承嗣因請名縣

五代

天福四年革頓丘爲德清軍開運二年又徙德清軍於陸家店

治清豐置軍使

宋

慶歷四年徙清豐縣治德清軍熙寧六年省頓丘入焉崇甯五年陞澶州爲開德府縣仍隸府元豐間分三十六路屬河北東路靖康後屬金

金

皇統初爲德清軍領清豐四年省軍以縣屬開州

元

沿舊

明

洪武元年内附仍屬開州尋改隸大名府舊編戶二十五里今增至四十里

清

沿舊

舊唐書

頓丘 漢縣屬東郡後移治所於陰安城今屬魏郡今縣境北陰安城是也 清豐大歷七年

割頓丘昌樂二縣界四鄉置以縣界有孝子張清豐門闕魏州田承嗣請爲縣名

新唐書

澶州 武德四年析黎陽之澶水魏州之頓丘觀城置 貞觀元年州廢縣還故屬 大歷七年

田承嗣表以魏州之頓丘臨黃復置縣四頓丘清豐 大歷七年析頓丘昌樂置以孝子張清

### 清豐縣志

卷之一 沿革 建置 地理

一一

豐名

棗格掘得張鄴墓誌 漢天福四年後十三年廣 元年頓丘張鄴墓誌葬于澶淵頓丘縣千秋

鄉趙樓村平原里東至金堤一里西至沙河七里南至舊城十里北至德清十三里

舊城掘得張景基誌澶州西北約二里千秋鄉黃溝里孟松村東枕金堤西至千秋泊南至故城

北接駱樓

二誌皆光緒年間掘出

建置

春秋興作必書肅王度重民力也清邑自宋苦水患城郭且再易今閱世幾何乃凡百經營頻煩賢哲之手亦孔艱矣今茲土者必復隍以思保障臨汝而念窮簷飭郵舍以迎賓勵學宮而興士倉庾有坻京之積臺觀切丸卵之慚梵宇琳宮時加風表荒蹤廢趾不至溼蕪庶不作郵亭過客也志建置第三

清豐舊城

在縣西北十八里宋因水患遷今地週圍五里三十四步餘二尺高四丈基闊三丈上闕一丈濠如之知縣李汝寬增高七尺上增闕五尺基增闕一丈五尺城內外馬道俱闕一丈濠浮舊兩倍之城上更鋪二十座整台二十角樓四城門樓四甕城四吊橋四列塚爲堞凡一千七百三十有三萬歷四十五年知縣黃文星又於城上南隅附土作基創建魁星樓天啟四年知縣潘士聞又於四甕城重門悉衣以鐵崇禎八年知縣張星於四門各建敵樓二座十一年復修